

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 463838 24 St
Tuzla, 16.10.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom dužnika "SOLNI TRG" d.o.o. za trgovinu Tuzla, Solni trg br. 4, nakon provedenog prethodnog stečajnog postupka donio je dana 16.10.2024.godine slijedeće:

R J E Š E N J E

OTVARA SE stečajni postupak nad imovinom dužnika „dužnika " SOLNI TRG" d.o.o. za trgovinu Tuzla, Solni trg br. 4, MBS: 1-6138, JIB: 4209565420004, račun broj: 1321000310855326, otvoren kod NLB Banka d.d. Sarajevo.

Za stečajnog upravnika imenuje Adil Bašić iz Tuzle, ul. Maršala Tita br. 2B.

ZAKLJUČUJE SE stečajni postupak nad imovinom dužnika " SOLNI TRG" d.o.o. za trgovinu Tuzla, Solni trg br. 4, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 463838 24 St od 26.06.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika dužnika " SOLNI TRG" d.o.o. za trgovinu Tuzla, Solni trg br. 4, a za privremenog stečajnog upravnika imenovan je imenuje Adil Bašić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 18.07.2024.godine. Iz izvještaja privremenog stečajnog upravnika proizilazi da je društvo imalo poslovne aktivnosti do 2019. godine, kada je ugašen i zadnji transakcijski račun, zbog određenih problema izazvanih poremećajem tržišta, a društvo je shodo registru suda te iste godine utvrdilo i prestanak djelatnosti shodno registru suda, a da je isto dana 02.05.2024. godine donijelo Odluku o prestanku rada. Zatim, stečajni upravnik je utvrdio da je vlasnik društva Munevera Subašić, te da je zakonski zastupnik istog Munevera Subašić - direktor bez ograničenja, na dan otvaranja prethodnog postupka društvo nije imalo zaposlenika, niti pokretne i nepokretne imovine. Društvo ne posluje jer su mu svi računi otvoreni kod poslovnih banaka ugašeni, da stečajni dužnik ne raspolaže imovinom kojom bi pokrio troškove stečajnog postupka. Društvo ima obaveze i to: ukupan iznos od 57.042,00 KM, od čega se na kontu dugoročnih obaveza vodi 19.194,00 KM i na kontu kratkoročnih obaveza vodi 37.848,00 KM. Također, dostavljenim uvjerenjem Porezne uprave FBiH, Kantonalni porezni ured Tuzla, Porezna ispostava Tuzla, broj: 13-3/1-12-5-6258 od 20.05.2024. godine, porezni obveznik ima dug po osnovu javnih prihoda i isti iznosi 73.167,47 KM, a tačan iznos obaveza može biti utvrđen prijavama povjerilaca. Na osnovu svega navedenog stečajni upravnik je mišljenja da su ispunjene pretpostavke

za otvaranje stečajnog postupka nad imovinom dužnika " SOLNI TRG" d.o.o. za trgovinu Tuzla, Solni trg br. 4.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 30.08.2024.godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 2.790,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 72/2024 dana 13.09.2024.godine, oglasnoj tabli suda dana 02.09.2024.godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija
Antonela Đaković

POUKA O PRAVNOM LIJEKU: Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.